



Bosna i Hercegovina

Vinska Industrija

VANJSKOTRGOVINSKA KOMORA BOSNE I HERCEGOVINE



VANJSKOTRGOVINSKA KOMORA BOSNE I HERCEGOVINE



Bosna i Hercegovina

Vinska
Industrija





Bosna i Hercegovina

Vinska Industrija

SADRŽAJ

Opće informacije o Bosni i Hercegovini	6
Vanjskotrgovinska komora Bosne i Hercegovine	8
Tradicija vinogradarstva i vina u BiH	10
Stanje vinskog sektora	12
Proizvodnja vina	14
Autohtone sorte vinove loze	15
Vinska cesta	16
Analiza vanjskotrgovinske razmjene vina	18



VINARIJE

AG Međugorje d.o.o.	22
Podrumi Andrija d.o.o.	24
KOMRAD d.o.o., Vinarija Anđelić	26
PROTO d.o.o., Vinarija Anđušić	28
Vino Brkić d.o.o.	30
Vinarija Čitluk d.d.	32
HEPOK d.o.o.	34
Hercegovina Produkt d.o.o.	36
Vinarija Jungić d.o.o.	38
CATENA d.o.o., Vinarija Keža	40
VIVANT d.o.o., Vinarija Marijanović	42
Vinogradi Nuić d.o.o.	44
MONAKO 2000 d.o.o., Podrumi Ostojić	46
Podrumi manastira Tvrdoš d.o.o.	48
Podrumi Vukoje 1982 d.o.o.	50
Vina Zadro d.o.o.	52

Opće informacije o Bosni i Hercegovini

Službeni naziv:	Bosna i Hercegovina (BIH)
Zastava:	
Geografska lokacija:	Bosna i Hercegovina se nalazi na zapadnom dijelu Balkanskog poluotoka.
Pogranične zemlje:	Republika Srbija na sjeveroistoku, Republika Crna Gora na jugoistoku, Republika Hrvatska na sjeveru, zapadu i jugu.
Administrativna podjela:	BiH je administrativno podjeljena na dva entiteta: Federacija Bosne i Hercegovine (F BiH) i Republika Srpska (RS) i Brčko Distrikt.
Entitetska struktura:	FBiH je administrativno podjeljena na 10 kantona. Kantoni su podjeljeni na općine. Na području F BiH je 79 općina. Republika Srpska je administrativno podjeljena na 62 općine. Grad Brčko je zasebna administrativna jedinica - Distrikt.
Površina:	Bosna i Hercegovina ukupno pokriva 51 209,2 km ² . Od toga: kopno 51 197 km ² i more 12,2 km ² .
Klima:	Pretežno kontinentalna, mediteranska na jugu
Broj stanovnika:	3.531.159 - Popis (30.09.2013. godine)
Struktura stanovnika:	Bošnjaci, Hrvati, Srbi i pripadnici ostalih naroda
Capital:	Sarajevo
Službeni jezici:	Bosanski, hrvatski, srpski i dva pisma (latinica i ćirilica)
Zvanična valuta:	Konvertibilna marka (KM) (1 KM = 0,511292 Euro)



Vanjskotrgovinska komora Bosne i Hercegovine

1909. - Osnivanje Trgovinsko-obrtničke komore u Sarajevu

Komora je formirana Zakonom o osnivanju i organizaciji Trgovačko-obrtničke komore za BiH (TOK) u Sarajevu.

1932. - Osnivanje Trgovinsko-industrijske i Zanatske komore u Sarajevu i Banja Luci

Uredbom o trgovinsko-industrijskim komorama 1932. godine osnivaju se Trgovinsko-industrijska i Zanatska komora u Sarajevu i Banja Luci.

1952. - Osnivanje Trgovinske komore BiH i Ugostiteljske komore BiH

1952. osniva se Trgovinska komora Bosne i Hercegovine te Ugostiteljska komora BiH. U martu 1954. godine Skupština NR BiH osniva Poljoprivrednu, kasnije Poljoprivredno-šumarsku komoru BiH u Sarajevu.

1962. - Formiranje Republičke privredne komore Bosne i Hercegovine

U maju 1962. godine formira se Republička privredna komora Bosne i Hercegovine i to spajanjem pet komora: Trgovinske komore BiH; Ugostiteljske komore BiH; Zanatske komore BiH, Poljoprivredno-šumarske komore BiH; Komore za industriju i rudarstvo, građevinarstvo i saobraćaj BiH i Zadružnog saveza BiH.

1972. - Formiranje Privredne komore Bosne i Hercegovine

Privredna komora Bosne i Hercegovine i sedam osnovnih privrednih komora osnovane su Zakonom o privrednim komorama („Službeni glasnik SR BiH“ br. 16/72 od 20. juna 1972.), kojim je Privredna komora BiH pravni sljednik Republičke privredne komore. Zakonom o udruživanju u privredne komore („Službeni glasnik SR BiH“ br. 35/77, 17/80 i 32/85) potvrđeno je postojanje Privredne komore BiH. Zakonom o privrednim komorama („Službeni list SR BiH“ broj: 33/90), posljednji put je harmonizirana struktura Komore.



2002. - Osnivanje Vanjskotrgovinske / Spoljnotrgovinske komore BiH

Zakonom o Vanjskotrgovinskoj komori Bosne i Hercegovine ("Službeni glasnik BiH" broj: 30/01), osniva se Vanjskotrgovinska komora Bosne i Hercegovine, i utvrđuje se kao pravni sljednik Privredne komore BiH. VTK je u skladu sa ovim Zakonom otpočela sa radom 01.07.2002. godine. Osnov formiranja, ciljevi i zadaci Komore, od njenog osnutka davne 1909. godine pa sve do danas, nisu se puno promijenili.

Vanjskotrgovinska / Spoljnotrgovinska komora BiH je moderna, profesionalna institucija koja zastupa i promoviše privredne interese u zemlji i inostranstvu. Komora predstavlja pouzdan izvor informacija, gdje se na jednom mjestu, kako domaćim tako i inostranim partnerima, pruža veliki broj usluga (poslovne i tržišne informacije, informacije o propisima i zakonima, savjetodavne usluge, promotivne aktivnosti, baze podataka itd).

Vanjskotrgovinska / Spoljnotrgovinska komora BiH je članica mnogobrojnih međunarodnih asocijacija (Eurochambers, International Chamber of Commerce-ICC, ABC, FIATA, IRU, SECI) što joj omogućava da uspješno učestvuje u raznovrsnim projektima u cilju jačanja i unapređenja regionalne i međunarodne poslovne saradnje.

2018. - Predstavništvo Vanjskotrgovinske komore BiH u Istanbulu

U aprilu 2018. godine u Istanbulu je osnovano Predstavništvo Vanjskotrgovinske komore BiH. Predstavništvo ima zadatak da putem direktnih kontakata, kao i organiziranjem sastanaka, prezentacija, okruglih stolova i tome slično, na najbolji mogući način promoviše potencijale Bosne i Hercegovine i privuče veći broj investitora iz Republike Turske.

Tradicija vinogradarstva i vina u BiH

Kada govorimo o historiji uzgoja vinove loze u BiH, bitno je napomenuti da je ovo područje bilo u znatno širim granicama od današnjih, a uzgoj vinove loze u Bosni i Hercegovini ima tradiciju dužu od 2.000 godina. S priobalja Jadranskog mora, vinovu lozu su u unutrašnjost zemlje proširili Grci, pa su već ilirska plemena, tačnije pleme Daorsi čije je sjedište bilo u utvrđenom gradu Daorsonu kod Stoca, počela uzgajati i proizvoditi vino od iste.

Međutim, tek dolaskom Rimljana na područje Bosne i Hercegovine, te osnivanjem rimske provincije Dalmacije, kojoj je pripadala gotovo cijela današnja Bosna i Hercegovina, vinogradarstvo doživljava procvat i širi se prema sjeveru BiH. Nakon rimskih osvajanja, vinova loza se počinje širiti na područje sjeverne Bosne, a vremenom se postupno širila i u središnju Bosnu.

Nakon propasti rimskog carstva i dolaska Slavena, nastavljen je kontinuitet uzgoja vinove loze za čije je vrijeme srednjovjekovna Bosna postala prepoznatljiva vinogradarsko-vinarska zemlja i tada je gotovo svaka velikaška obitelj u Bosni imala svoje vinograde. Ovaj rast je trajao do 15. vijeka, kada je Bosna osvojena od strane Osmanskog carstva. Dolaskom Osmanlija, proizvodnja vina se postupno gasi, da bi na kraju i nestala. Uzroci nestanka vinove loze u Bosni su višestruki, a najzaslužniji su česti ratovi, stalne migracije stanovništva tijekom 16. i 17. vijeka i klimatske promjene budući da je u 17. i 18. vijeku u Evropi nastupilo "malo ledeno doba",

kada su temperature bile znatno niže od dotadašnjih.

Vinarstvo kao ekonomska grana postaje značajan izvor prihoda u Hercegovini krajem 19. vijeka, kada se bilježe i prvi izvozi vina prema zapadnoj Europi, a ovakav trend se nastavlja osvajanjem tržišta širom svijeta. Poljoprivreda je bila najvažnija ekonomska djelatnost u Bosni i Hercegovini u vrijeme austrougarske okupacije, te je zbog toga nova vlast odmah započela sa aktivnostima na unapređenju poljoprivrede, kao što su osnivanje uzoranih polja i pokusnih i istraživačkih poljoprivrednih stanica. U ovo vrijeme su osnovani voćarsko-vinogradarske stanice u Gnojnicama kod Mostara, u Derventi i Lastvi kod Trebinja koje su služile i kao svojevrsne obrazovne institucije za pouku mladih poljoprivrednika o modernim metodama u voćarstvu i vinogradarstvu. Ove stanice su zapravo odigrale ključnu ulogu po pitanju unapređenja vinogradarstva i vinarstva i temelj su modernog vinogradarstva i vinarstva u Bosni i Hercegovini.

Pedesetih godina prošloga stoljeća počela je nova era u vinogradarstvu Hercegovine koja traje sve do danas. Tada počinje moderno vinogradarstvo koje je bilo utemeljeno na plantažnoj proizvodnji. Bilo je to vrijeme socijalističkoga sistema proizvodnje, formiranja velikih društvenih, zapravo državnih gospodarstava i ubrzano ulaganje u poljoprivredu. Poseban zamah vinogradarstvu Hercegovine dalo je osnivanje





HEPOK-a, velike državne kompanije, 1966. godine. HEPOK je bio korporacija u koju je bila udružena proizvodnja i prerada grožđa, promet grožđem, vinom i repromaterijalima, te stručne i znanstvene službe.

Vinarstvo u Hercegovini imalo je svojih uspona i padova, ali nikada nije prestalo biti glavna grana poljoprivrede, a može se reći i način života ovdašnjih ljudi. Hercegovački vinari danas žele i hoće biti prepoznatljivi po njihovoj Žilavci i Blatini, kao jedinstvenim sortama u vinarskom svijetu i prezentirati sebe svijetu kroz ova vina koja u sebi nose miris zemlje i žestinu hercegovačkog sunca.

“ Poseban zamah vinogradarstvu Hercegovine dalo je osnivanje HEPOK-a, velike državne kompanije, 1966. godine. ”



Stanje vinskog sektora

Ratna događanja od 1992. - 1995. godine su se na području Hercegovine veoma negativno odrazila na ukupnu poljoprivrednu proizvodnju, a posebice na dugogodišnje nasade, među kojima su i vinogradi. Ukupne površine pod vinogradima su značajno smanjene, a osim što su neki vinogradi potpuno uništeni, bilo je i onih koji su djelomice devastirani.

Međutim, broj hektara koji se koriste za proizvodnju grožđa raste od kraja rata naovamo. Tako je 2005. godine, BiH imala 2.100 ha koji su se koristili za proizvodnju grožđa. Ova brojka je porasla na oko 4000 ha u 2018. U istom periodu, prinosi su porasli sa procijenjenih 5.000 kg grožđa po hektaru u 2005. na (najmanje) 9.000 kg po ha u 2018. (po procjeni). Ovakav trend se odražava u utrostručivanju proizvodnje grožđa sa 10

miliona kg u 2005. na 30 miliona kg u 2018. Sa konstantnim brojem proizvođača, prosječna proizvodnja po proizvođaču je porasla sa 955 kg u 2005. na 3.062 kg u 2018.

U poređenju sa drugim sektorima, vinski sektor je relativno mali, ali je geografska koncentriranost na nekoliko općina u zapadnom i južnom dijelu države, u Hercegovini i područjima oko Trebinja, ono što ovaj sektor čini značajnim sektorom za ovaj dio zemlje. Vinska industrija ima sve uvjete da bude u funkciji premašivanja postojećeg izvoznog deficita i ostvarenja značajnih plasmana na trećim tržištima, budući da su bh. vina već prisutna i prepoznatljiva u zemljama Europske unije (EU), ali i diljem svijeta, uključujući i veliko kinesko tržište.





Proizvodnja vina

Proizvodnja vina danas je ograničena na slivna područja rijeka Neretve i Trebišnjice, odnosno hercegovački vinogradarski rajon s mostarskim, lištičkim i jablaničkim vinogorjem. U BiH se nalazi značajan broj proizvođača grožđa prvenstveno za proizvodnju vina, od čega je većina manjih proizvođača koji uzgajaju za osobne potrebe i lokalno tržište. Ukupne površine pod vinogradima, prema procjenama, zauzimaju oko 4.000 hektara na kojima je zasađeno 15,3 miliona rodničkih čokota, sa kojih je ostvarena proizvodnja u prosjeku od oko 2 kg grožđa po rodnom čokotu. Od trideset miliona kilograma grožđa, koliko se u BiH svake godine proizvede, 65% se preradi u vino prema čemu godišnja proizvodnja vina iznosi oko 20 miliona litara.

Više se proizvodi bijelo vino, oko 55%, dok je crno vino sa preostalim 45%. Roze vina su zastupljena u veoma malim količinama. Proizvodnja vina je primarno fokusirana na visoko-kvalitetne kategorije vina, i to najviše autohtone sorte kao što su Žilavka (bijelo) i Blatina (crno). Ove sorte



su idealne za uzgajanje u lokalnim geografskim i klimatskim uslovima na prostoru Hercegovine po lokalnoj uzgojnoj tradiciji i dio su kulturnog naslijeđa.

Uz Žilavku se u hercegovačkim nasadima vinove loze uzgajaju prateće sorte Bena, Krkošija i Dobrogostina, a uz Blatinu autohtoni kultivar Trnjak, kao i poznati svjetski kultivari Vranac, Merlot i Kambuša (Alicante Bouschet). U razdoblju nakon rata na području Hercegovine podižu se i nasadi vinove loze u kojima su zastupljeni i ostali, cijenjeni kultivari kao što su Syrah, Chardonnay, Cabernet Sauvignon, Sauvignon blanc, Muscat ottonel, Graševina i brojni drugi.

Općenito posmatrano, fokus nije na proizvodnji vina slabijeg kvaliteta za masovno tržište, pa vinarije kontinuirano rade na poboljšanju kvaliteta vina. To se postiže angažiranjem savjetnika i stručnjaka (agronoma, enologa, i drugih stručnjaka) iz akademskog društva i međunarodnog vinskog sektora, te uvođenjem HACCP i ISO standarda. Iako su ovakvi standardi relativno skupi, naročito za manje proizvođače, sve registrirane vinarije, uključujući manje vinarije, su uvele ove standarde.



Autohtone sorte vinove loze

Odavno je znano da ni jedno vino nije u potpunosti isto kao neko drugo. Sorta, podneblje i rad čovjeka daju posebnost svakom vinu. Stoga su proizvođači vina davno zaključili da treba zaštititi tu osobnost vina, napose vina izrazite kvalitete. U Hercegovini su također na tom tragu zaštićena vina Žilavka i Blatina,

kako bi se na taj način zaštitio ugled hercegovačkog vina, kao renomiranog autohtonog proizvoda. To je zasigurno važan događaj u povijesti hercegovačkog vinarstva, što danas koriste svi hercegovački vinari ističući to na etiketama svojih vina.



Žilavka je najzastupljenija bijela visokokvalitetna autohtona sorta Hercegovine. Od kultivira Žilavka proizvode se kvalitetna, a s probranih položaja (vinograda) vrhunska vina, vrlo često s dodatkom do 15 % Krkošije i Bene, također autohtonih kultivira (sorti) Hercegovine. Vino Žilavka privlači ljubitelje dobre kapljice svojom posebnosti i osebujnošću, specifičnim mirisom, zaobljenošću, snagom karakterističnom za južna vina. Divna kristalno čista, zelenkasto žuta boja, specifična aroma, skladan odnos alkohola i kiselina i bogat ekstrakt, izdvajaju Žilavku iznad drugih vina. Žilavka je jako vino s 12 - 14 vol. % alkohola, 5 - 6 g/l ukupnih kiselina, uz ukupan ekstrakt 20 do 27 g/l. Svoju pravu punoću i prepoznatljivost postiže dužim odležavanjem u boci. Hercegovci je piju uz janjetinu lešo ili pečenu na ražnju, zatim uz jegulju i uz druge slatkovodne i morske ribe, te uz sir iz »mišine« (mijeha) i pršut. Posluživati je obvezno rashlađenu na temperaturi 10-12 °C.



Blatina ima funkcionalno ženski cvijet (autosterilan) zbog čega se u nasadima uvijek uzgaja s drugim kultivarima (sortama), kao što su Allicante bouschet (Kambuša), Merlot i Trnjak koji su ujedno i oprašivači Blatine. Blatina je kvalitetno, a s probranih položaja vrhunsko suho crveno (crno) vino, proizvedeno od istoimene sorte grožđa uz dodatak do 15 % sorti oprašivača. To je snažno i svježe suho, crveno vino s 12-13.5 vol. % alkohola, 5-7 g/l ukupnih kiselina, 25-32 g/l ekstrakta. Boje je tamno rubin crvene, prepoznatljive svojstvene arome, puna i harmonična okusa. Kao južno vino posjeduje zadovoljavajuću koncentraciju kiselina. Za vino je dobro da odleži koju godinu u drvenim bačvama, čak štoviše, kakvoća mu raste do pet godina starosti. Preporučuje se piti uz jača jela od mesa, divljači, a posebno uz pečenja, riblje paprikaše, te uz nereske od goveđeg pršuta. Pije se polako, čisto, temperirano 18-20 °C iz lijepo oblikovanih čaša, a u seoskom ambijentu i iz drvene bukare.

Vinska cesta

Vinska cesta Hercegovine je turistički proizvod kojeg sačinjavaju bogatstvo i ljepota čiste prirode – posebnosti vinorodnog područja, tradicija, kulturne i historijske znamenitosti a proteže se od Ljubuškog na zapadu do Trebinja na istoku. Okosnicu ovoga proizvoda čini preko 20 vinskih podruma koji su smješteni u šest hercegovačkih općina (Čitluk, Ljubuški, Mostar, Čapljina, Stolac i Trebinje).

U Vinskoj cesti koja je utemeljena i službeno otvorena u aprilu 2007. godine objedinjeno je sve ono što vrijedi posjetiti, kušati i doživjeti na prostorima Hercegovine, a prvenstveno se misli na prirodne i društvenih atrakcije Hercegovine koje je moguće spojiti s vinom i naravno vinskim podrumima.

Svi ovi atraktivni turistički sadržaji se mogu pronaći oko Neretve, rijeke koja protiče kroz sredinu Hercegovine i koja je zapravo žila kucavica oko koje je život isprepleten od davnina.

Posjetiocima Vinske ceste Hercegovina se nude autohtoni proizvodi, posebno autohtona vina Žilavka i Blatina, rakija i likeri iz vlastite proizvodnje, te ostali tradicionalni specijaliteti. Svi vinari od reda koriste najsavremenije tehnologije u proizvodnji vina, a posjeduju veliko iskustvo i ljubav prema ovome poslu. Većina podrumara je unaprijedila svoju ponudu dodajući podrumima posebne degustacijske dvorane, odnosno kušaonice a svaki od ovih podruma je poseban i jedinstven.






Analiza vanjskotrgovinske razmjene vina


Iako domaće tržište vina iz godine u godinu raste, ipak je potrošnja vina po glavi stanovnika i dalje niska u odnosu na EU. Potrošnja po glavi stanovnika u BiH je u 2002. godini iznosila samo 2 litra vina, dok je u 2018. dosegla 8,4 litara.

Iz analize vanjskotrgovinske razmjene da se zaključiti da se prosječna izvozna cijena 1 litre vina kreće oko 2,00 BAM, dok je prosječna uvozna cijena litre vina znatno veća i iznosi cca 3,80 BAM.

Dostignuti nivo izvoza vina iz BiH je u visini od oko 7,2 miliona BAM. To je svakako i rezultat konstantnog nastupanja na eminentnim sajmovima u inozemstvu u organizaciji Vanjskotrgovinske komore BiH. Uvoz je dosegao 34 miliona BAM.



Vanjskotrgovinska razmjena vina u Bosni i Hercegovini u mil. BAM




Vanjskotrgovinska razmjena vina u litrima



Top 5 izvoznih tržišta

Od top pet vodećih izvoznih tržišta daleko najviše vina se izveze u Republiku Hrvatsku na koju otpada 64% izvoza te je uvjerljivo na prvom mjestu. Na drugom i trećem mjestu nalaze se Srbija sa 17% i Njemačka sa 8%.

Vrijednost uvoza vina višestruko nadmašuje izvoz i dostiže nivo od 34 miliona BAM, a najviše se uvozi iz Hrvatske, Srbije, Sjeverne Makedonije i Crne Gore.



Top pet vodećih izvoznih tržišta za 2019. god.



VINARIJE





Vinska Industrija





AG Međugorje d.o.o.

Godina osnivanja: **1995.**
 Grad: **Međugorje**
 Kontakt podaci kompanije (osoba): **Andrija Vasilj**
 Telefon: **+387 63 377 305**
 Adresa: **Put Križevca 1, 88266 Međugorje**
 E-mail: **avasilj@gmail.com**
 Web: **www.carska-vina.com**

Proizvodi

Vina



Carska Žilavka Fine Edition	0,75 l
Carska Blatina Fine Edition	0,75 l
Carska Žilavka DOMINA Premium Edition	0,75 l
Carska Blatina IMPERO Premium Edition	0,75 l
Carska Vina SOPHIA Cuvee Blanc	0,75 l
Carska Vina DAVID Cuvee Red	0,75 l
Carska Žilavka SELECTION	0,75 l
Carska Vina NIKA	0,75 l

Rakije



Cesarica Lozovača	0,75 l
Cesarica Travarica	0,75 l
Cesarica Višnjevača	0,75 l
Cesarica Orahovača	0,75 l
Cesarica Medovača	0,75 l
Cesarica Jabukovača	0,75 l



O VINARIJI

Vinarija „AG Međugorje“ d.o.o. proizvodi već nekoliko godina vrhunska vina od poznatih autohtonih kultivara Žilavke i Blatine i njihovih pratitelja. Prateći trendove na tržištu vina koji se mijenjaju u pravilnim ciklusima od 15-tak godina, nastoji održati svoju ponudu na razini domaće i inozemne konkurencije. Asortiman ovih vina (poznat pod brendom „CARSKA VINA“) je prepoznat već nekoliko godina od strane potrošača vrhunske kapljice diljem BiH, zemalja u okruženju ali i u Europskoj Uniji.

Države u koje vinarija izvozi:

Hrvatska

Godišnji kapacitet:

70.000 flaša

Pakiranje:

0,75 L

Površina vinograda:

22 hektra





Podrumi Andrija d.o.o.

Godina osnivanja: **1995.**
 Grad: **Čitluk**
 Kontakt podaci kompanije (osoba): **Miroslav Ćorić**
 Telefon: **+387 36 643 102**
 Adresa: **Paoča 54, 88260 Čitluk**
 E-mail: **info@podrumiandrija.com**
 Web: **www.podrumiandrija.com**

Proizvodi

Vina



Žilavka "Andrija"	0,187 l, 0,75 l, 1 l, 5 l
Žilavka "Andrija" selekcija	0,75 l
Žilavka "Andrija" barrique	0,75 l
Chardonnay "Andrija"	0,75 l
Rose "Andrija"	0,187 l, 0,75 l
Blatina "Andrija"	0,187 l, 0,75 l, 1 l, 5 l
Blatina "Andrija" barrique	0,75 l
Syrah "Andrija"	0,75 l
Vranac "Andrija"	0,75 l
Vranac "Andrija" selekcija	0,75 l
Reserve "Andrija"	0,75 l

Rakije i
vinjak



Lozovača "Andrija" special	0,70 l
Lozovača "Andrija"	1 l
Travarica "Andrija" special	0,70 l
Travarica "Andrija"	1 l
Vinjak "Andrija" V.S.	
Vinjak "Andrija" X.O.	



O VINARIJI

Na visoravni Brotnja u vinogradima živopisne Paoče, našle su pogodno stanište, obilje sunca i vrijedne ruke, dvije poznate hercegovačke sorte grožđa, bijela Žilavka i crna Blatina. Upravo u obiteljskom ozračju podruma Andrije Ćorića uvinjuje se grožđe i njeguju vrhunska vina ovih sorti. Nastavljajući obiteljsku tradiciju, obitelj Andrije Ćorića odlučila se izgraditi novi podrum u Paoči čiji je kapacitet dostigao polumilijunsku razinu. Uzgajajući vlastite vinograde ovo poduzeće otkupljuje grožđe od 220 kooperanata i tako odabirajući najbolje grožđe, uz najsuvremeniju opremu i stručnost dokazanog enologa postiže velike rezultate u proizvodnji vrhunskih i kvalitetnih vina. Ta odabrana vina dozrijevaju u hrastovim bačvama podzemnog podruma opremljenog sačuvanom tradicijom i savremenim dostignućima a praćena pažnjom i

strpljenjem koje traži i zaslužuje. Razvojem tržišta kompanija "Podrumi Andrija" osnovala je svoje predstavništvo i u Zagrebu a već dugi niz godina osigurava plasman u Ameriku, Kinu i mnoge europske zemlje: Hrvatsku, Njemačku, Švicarsku, Belgiju, Poljsku, Dansku, Srbiju i Crnu Goru. Pravi je užitek posjetiti vinograde kao stari i novi podrum. "Podrumi Andrija" imaju desetak stalnih djelatnika, a uz njihove vlastite vinograde dvije stotine obitelji iz ovog kraja uzgaja vinograde za njih. „Andrija“ vina - bijela, ružičasta i crna, piju se u dvadesetak zemalja i na tri kontinenta, i uvijek s radošću - bilo za kamenim stolom i pekrom uz vinograde, bilo u samim podrumima - jer gostoljubivost, iskreno prijateljstvo i Andrijino vino najuspješnije povezuju ljude!

Države u koje vinarija izvozi:

SAD, Kina, Austrija,
Njemačka, Hrvatska, Crna
Gora, Srbija, Švicarska,
Danska, Poljska, Slovenija,
Švedska

Godišnji kapacitet:

200.000 flaša

Površina vinograda:

5 hektara + kooperacija





ANĐELIĆ
VINSKI PODRUM

WOLFFER
vino za prijatelje

KOMRAD d.o.o.

Vinarija Anđelić

Godina osnivanja: **1992.**
Grad: **Trebinje**
Kontakt podaci kompanije (osoba): **Milica Anđelić, Dragan Anđelić**
Telefon: **+387 65 940 055, +387 65 881 343**
Adresa: **Gorica bb., 89101 Trebinje**
E-mail: **office@podrum-andjelic.com**
Web: **www.podrum-andjelic.com**

Proizvodi

Vina



Žilavka	0,75 l
Žirado	0,75 l
Lira	0,75 l
Vranac	0,75 l
Tribun	0,75 l
Vranac Selekcija	0,75 l

Rakije



Lozovača Sava	0,75 l
---------------	--------



Države u koje vinarija izvozi:

Njemačka,
Švedska, Kina

Godišnji kapacitet:

150.000
litara

Kušaonica:

50 osoba

Pakiranje:

0,75 L

Površina vinograda:

30 hektara

O VINARIJI

Porodica Anđelić ima tradiciju u proizvodnji vina i lozove rakije, dugu preko stotinu godina. Trenutno u vinariji radi 5-ta generacija iz porodice Anđelić. Veliko interesovanje za njihove proizvode je

rezultiralo tako što su njihova vina i rakiju plasirali prvo na tržište BiH, a zatim u zemlje u okruženju, Evropu i Aziju. Dobitnici su mnogih prestižnih nagrada za njihove proizvode.

ANĐUŠIĆ



PROTO d.o.o.

Vinarija Anđušić

Godina osnivanja: **1993.**
Grad: **Trebinje**
Kontakt podaci kompanije (osoba): **Davor Anđušić**
Telefon: **+387 65 597 925**
Adresa: **Preobraženska ulica bb., 89101 Trebinje**
E-mail: **vinarijaandjusic@gmail.com**

Proizvodi

Vina



Žilavka	0,75 l
Vranac	0,75 l

Rakije



Lozovača	0,75 l
Travarica	0,75 l
Medovača	0,75 l



Godišnji kapacitet:

14.000
litara

Kušaonica:

50
osoba

Pakiranje:

0,75 L

Površina vinograda:

3 hektra



O VINARIJI

Na sredini Popovog Polja, 30 kilometara od Trebinja na putu za Mostar, i 12 kilometara od manastira Zavala i pećine Vjetrenica, nalazi se podrum porodice Anđušić. U ambijentu tipičnog hercegovačkog sela Dračeva ovaj podrum istog imena nudi vrhunska vina Žilavku i Vranac proizvedenu od grožđa iz vinograda u koje gledate dok uživate u ovim

vinima. Prenoseći i usavršavajući znanje o grožđu i vinu sa koljena na koljeno porodica Anđušić došla je do zavidnog znanja i kvaliteta u proizvodnji vina tako da danas iz ovog podruma izlaze vrhunske hercegovačke sorte vina.





Vino Brkić d.o.o.

Godina osnivanja: **1979.**
 Grad: **Čitluk**
 Kontakt podaci kompanije (osoba): **Josip Brkić**
 Telefon: **+387 63 320 205**
 Adresa: **Kralja Tvrtka 13, 88260 Čitluk**
 E-mail: **vinobrkic@gmail.com**
 Web: **www.brkic.ba**

Proizvodi

Vina



Žilavka	0,75 l
Žilavka Reserve	0,75 l
Greda	0,75 l
Plava Greda	0,75 l
Mjesečar	0,75 l
Limousine	0,75 l

Rakije



Loza	0,75 l
Travarica	0,75 l

Likeri



Višnjevača	0,75 l
Orahovača	0,75 l
Medovača	0,75 l
Liker od šipka (nara)	0,75 l
Liker od crnog vina	0,75 l



O VINARIJI

Vinarija Brkić je osnovana 1979. godine i trenutno se prostire na 3 hektara površine. Kako se radi o relativno malom vinogorju nisu željeli ići u proizvodnju svjetskih sorti grožđa, već su ostali vjerni autohtonim sortama, Žilavki i Blatini, i s njima žele biti najbolji na svijetu. Njihovi vinogradi su u blizini podruma, što je jako bitno kako bi grožđe od trenutka kad ga odvojimo od loze, što prije došlo u podrum.



Većinu vina ne filtriraju, jer je i kasniji talog koji će se pojaviti, potvrda prirodnosti. Sumpor koriste samo u nuždi i njegova količina je višestruko manja nego u konvencionalnoj proizvodnji.

Države u koje vinarija izvozi:

SAD, Engleska,
Hrvatska, Švicarska,
Francuska

Godišnji kapacitet:

20.000
litara

Kušaonica:

25
osoba

Pakiranje:

0,75 L

Površina vinograda:

3 hektara



VINARIJA ČITLUK

Vinarija Čitluk d.d.

Godina osnivanja: 1957.
Grad: Čitluk
Kontakt podaci kompanije (osoba): Dalibor Lasić
Telefon: +387 36 640 441
Adresa: Kralja Tomislava 28, 88260 Čitluk
E-mail: dalibor.lasic@hercegovinavino.ba
Web: www.vinarija-citluk.ba

Proizvodi



Blatina de Broto - vrhunsko crno vino

Vranac - vrhunsko crno vino

Žilavka Mostar - vrhunsko bijelo vino

Kameno - vrhunsko bijelo vino

Tvrtko - vrhunsko bijelo vino

Chardonnay - vrhunsko bijelo vino

Cabernet Sauvignon - vrhunsko crno vino

Rosary - vrhunsko rose vino

Trnjak de Broto - vrhunsko crno vino

Vrhunska barrique vina

HERCEGO Blatina - kvalitetno crno vino

HERCEGO Vranac - kvalitetno crno vino

HERCEGO Žilavka - kvalitetno bijelo vino

HERCEGO Plavac - kvalitetno crno vino

Romanca - kvalitetna bijela i crna vina

Brocco pjenušavo vino



O VINARIJI

Vinarija Čitluk je osnovana 1957. god. – više od pola stoljeća je bila dio poljoprivrednog gospodarstva države, a od 2002. godine je u privatnom vlasništvu. Vinarija ima respektabilnu dugogodišnju tradiciju u proizvodnji visokokvalitetnih vina. Vinogradi se prostiru od Mostara do Čitluka na 400 ha različitih površina, nadmorske visine, pozicija i vrste tla. Birani vinogradarski položaji i povoljna mikroklima, zajedno s mudrim poštivanjem tradicije s jedne i kontinuiranom modernizacijom s druge strane, rezultirali su vinima prepoznatljive arome, punog tijela i harmoničnog okusa. Vina Blatina de Broto i Kameno su savršeni izraz autohtonosti domaćih sorti, dok su u vinima od svjetskih sorti utkani duša i srce Hercegovine. Vino se proizvodi od grožđa s vlastitih vinograda s namjerom da se postigne što bolja kvaliteta.

Države u koje vinarija izvozi:

Njemačka, Švicarska, Austrija, Holandija, Belgija, Češka, Poljska, Rusija, Kina, Australija, N. Zeland, SAD, Kanada

Godišnji kapacitet:

11 miliona litara

Kušaonica:

Dvije kušaonice - jedna u vinariji a druga u restoranu Romanca

Površina vinograda:

400 hektara

Vinarija Čitluk je najveći proizvođač ali i najveći izvoznik vina u BiH. Pored zemalja u okruženju, najviše izvozi u: Njemačku, Švicarsku, Austriju, Nizozemsku, Belgiju, Češku, Poljsku, Rusiju, Kinu, Australiju, N. Zeland, SAD i Kanadu i to više od 50 % od ukupne godišnje prodaje. Na svim sajmovima u regiji gdje se ocjenjuju vina (Vinovita Zagreb, Gast Split, Orahovic, Mostarski sajam) vina Vinarije Čitluk su u samom vrhu po broju osvojenih nagrada.





HEPOK d.o.o.

Godina osnivanja: **1886.**
 Grad: **Mostar**
 Kontakt podaci kompanije (osoba): **Nedim Marić**
 Telefon: **+387 62 643 508**
 Adresa: **Bišće polje bb, 88000 Mostar**
 E-mail: **info@hepok-mostar.ba**
 Web: **hepok-mostar.ba**

Proizvodi



Crna vina

Vranac Liska kvalitetno vino	0,75 l
Vranac Liska vrhunsko vino	0,75 l
Cabernet Sauvignon Liska vrhunsko vino	0,75 l
Merlot Liska vrhunsko vino	0,75 l
Cuvee Liska vrhunsko vino	0,75 l
Hepok crno stono vino	1 l
Hepok Vranac kvalitetno suho crno vino	1 l

Bijela vina

Žilavka Liska kvalitetno vino	0,75 l
Žilavka Liska vrhunsko vino	0,75 l
Žilavka Liska vino barrique	0,75 l
Chardonnay Liska vrhunsko vino	0,75 l
Chardonnay Liska vino barrique	0,75 l
Tamjanika Liska vrhunsko vino	0,75 l
Hepok bijelo stono vino	1 l
Hepok Graševina kvalitetno suho bijelo vino	1 l



O VINARIJI

Novo doba vinarije Hepok počinje 2016. godine, kada je investicioni fond ZERAA iz Sarajeva izvršio akviziciju. Ubrzo je uslijedila značajna investicija u nove vinograde i modernizaciju pogona za proizvodnju, čime su stvoreni jaki temelji za razvoj moderne vinarije za 21. vijek. Bogato iskustvo i tradicija pažljivo baštinjena u dubinama vinskih podruma nadograđeni novim tehnologijama i savjetima najboljih svjestkih stručnjaka, garancija su uspjeha i očuvanja kvaliteta HEPOK vina. Posjedujemo vinifikatore za proizvodnju kvalitetnih i vrhunskih crvenih vina. Barrique bačve za odležavanje vina izrađene su od najpoznatijih svjetskih tipova hrasta: francuskog, američkog, mađarskog i slavonskog hrasta. Također, proizvodnja se dijelom odvija i u bačvama od autohtonog bosanskog hrasta.

Proizvedena vina se pune na savremenom punjaču, koji posjeduje tri mogućnosti zaštite vina od neželjenih procesa prilikom punjenja. Prvi segment pred sami početak ulaska vina u bocu jeste segment vakumiranja, odnosno izvlačenje kisika iz boce. Drugi segment slijedi nakon završenog punjenja boce i podrazumjeva ubrizgavanje inertnog gasa. U toj fazi se postiže zastupljenost inertnog gasa u grlu boce preko 96%. Vino prije punjenja i nakon punjenja ima isti hemijski sastav što pokazuje da punjač zadržava kvalitetu proizvedenog vina.

Vinarija HEPOK posjeduje:

- Savremeni sistem kontrolisane fermentacije,
- Savremenu opremu za primarnu preradu grožđa,
- Podrume sa barrique bačvama za odležavanje vina,
- Liniju za flaširanje sa visokim stepenom zaštite vina.

Države u koje vinarija izvozi:

Hrvatska, Srbija, Kina

Godišnji kapacitet:

4,5 miliona litara

Pakiranje:

0,75 L, 1 L

Površina vinograda:

300 hektara



Hercegovina Produkt d.o.o.

Godina osnivanja: 2001.
Grad: Čitluk
Kontakt podaci kompanije (osoba): Nela Medić, Damir Juka
Telefon: +387 36 653 490, +387 36 653 495
Adresa: Gospodarska zona Tromeđa VI 5, 88260 Čitluk
E-mail: info@hercegovinaprodukt.com
Web: www.hercegovinaprodukt.com

Proizvodi

Vina



Vrhunska vina Žilavka i Blatina

Exclusive

Zlatna Dolina

Charisma

Kvalitetna vina

Kum

Vranac

L Amour

Rakije



Prirodne voćne rakije

Loza

Travarica

Viljamovka

Kajsijevača

Likeri



Orahovača

Višnjevača



O VINARIJI

Obitelj Barbarić je prije dvadesetak godina odlučila višestoljetnu uspješnu tradiciju svojih predaka u uzgoju vinove loze te proizvodnji vina i rakija, unaprijediti osnivanjem kompanije Hercegovina Produkt. Od tada kompanija Hercegovina Produkt na zavidnoj razini poštujući tradiciju, prirodne pogodnosti regije i najsuvremenija tehnološka dostignuća proizvodi vina, prirodne voćne rakije i likere čiji je kvalitet potvrđen brojnim nagradama od lokalnih do svjetskih izložbi.

Države u koje vinarija izvozi:

Njemačka, Hrvatska,
Srbija, Kosovo

Godišnji kapacitet:

2,5 miliona litara

Kušaonica:

U sklopu vinarije je uređena kušaonica koja se sastoji od zatvorenog dijela i terase

Površina vinograda:

200 hektara



Vinarija Jungić d.o.o.

Godina osnivanja: 2008.
 Grad: Čelinac
 Kontakt podaci kompanije (osoba): Marijana Jungić
 Telefon: +387 66 007 000, +387 51 490 725
 Adresa: Markovac 35, 78240 Čelinac
 E-mail: vinarijajungic@hotmail.com
 Web: www.vinarijajungic.com

Proizvodi

Vina



Crna vina

Šikar selekcija

Šikar reserva

Šikar barrique

Vranac reserva

Merlot

Šikar Premium

Vranac

Cabernet Sauvignon Premium

Cabernet Sauvignon

Vranac Premium

Bijela vina

Balatin selekcija

Tamjanika Jungić

Chardonnay

Tamjanika Premium

Rose vina

Madam Rose

Rakije



Markovačka loza 45% alk.

Loza barrique 40% alk.

Likeri



Madam Cherry 25% alk.



Države u koje vinarija izvozi:

Slovenija, Austrija,
Srbija

Godišnji kapacitet:

70.000 litara

Kušaonica:

Posjedujemo prostor koji može
ugostiti do 200 posjetilaca
u ljetnom periodu i do 90
posjetilaca u zimskom periodu

Površina vinograda:

7 hektara vlastitih
vinograda i 14 hektara iz
kooperacije

O VINARIJI

Sadnja vinograda na području Markovca, opština Čelinac, počela je 2005. godine, a vinarija je registrovana 2008. godine. Sorte koje se uzgajaju su Chardonnay, Tamjanika, Pinot Blanc, Rhine Riesling od bijelih, a Cabernet Sauvignon, Merlot i Frankovka od crnih sorti. Vinarija Jungić je prva ili jedna od rijetkih registrovanih vinarija u sjeverozapadnom dijelu Bosne i Hercegovine,

odnosno prva izvan Hercegovine. Vina se uglavnom plasiraju na lokalnom tržištu tj. na banjalučkoj regiji, a u posljednjih nekoliko godina vina su prisutna i u Federaciji BiH tj. a najviše u Sarajevu, Tuzli i Zenici. Pored toga izvozili su vina u Srbiju, Sloveniju i Austriju, a dogovoren je i izvoz u Brazil.



CATENA d.o.o.

Vinarija Keža

Godina osnivanja: **2007.**
 Grad: **Ljubuški**
 Kontakt podaci kompanije (osoba): **Slaven Petrušić**
 Telefon: **+387 39 833 474**
 Adresa: **Kralja Zvonimira bb., 88320 Ljubuški**
 E-mail: **info@catena.ba**
 Web: **www.z-keza.com**

Proizvodi



Žilavka Ž Keža Premium	0,75 l
Blatina Ž Keža Premium	0,75 l
Plavac Mali Ž Keža Premium	0,75 l
Cabernet Sauvignon Ž Keža Premium	0,75 l
Syrah Ž Keža Premium	0,75 l
Cuvec Ž Keža Premium	0,75 l
Rose Ž Keža Premium	0,75 l
Merlot Ž Keža Premium	0,75 l
Žilavka Ž Kvalitetna	1 l
Blatina Ž Kvalitetna	1 l
Plavac Mali Ž Kvalitetni	0,75 l
Žilavka Ž Selekcija	0,75 l



Države u koje vinarija izvozi:

Njemačka, Kina

Godišnji kapacitet:

180.000
litara

Pakiranje:

0,75 L, 1 L

Površina vinograda:

25 hektara

O VINARIJI

Vinogradi Keža nalaze se u selu Studenci pokraj Ljubuškog. Vinogradi nastali u kršu napajaju se izravno sa izvora rijeke Studenčice. Nekada divlji i krševiti teren, pretvoren je u pitomi brijeg gdje rastu autohtone sorte Žilavka i Blatina, a uz njih i Merlot, Cabernet Sauvignon, Syrah te Plavac mali. Prepoznatljiva crna vinska etiketa sa zaštitnim slovom „Ž“ oznaka je vrhunskih vina ovog hercegovačkog

kraja. Vinograd se podizao u tri faze, 2007. g. 6,3 ha, zatim 2009. g. novih 6 ha, te 2011.g 12 ha vinograda, što je zaokružilo površinu od cca 25 hektara (oko 120 000 trsova). Iznimno smo ponosi na vlastitu vrhunsku sirovinu u proizvodnji vina, što je ujedno i garancija u održavanju vrhunske kvalitete naših proizvoda.



VIVANT d.o.o.

Vinarija Marijanović

Godina osnivanja: 1994.
Grad: Čitluk
Kontakt podaci kompanije (osoba): Josip Marijanović
Telefon: +387 63 177 198
Adresa: Služanj bb., 88260 Čitluk
E-mail: info@marijanovic.ba
Web: www.marijanovic.ba

Proizvodi

Vina



Žilavka Marijanović	0,75 l
Žilavka Selekcija	0,75 l
Rose	0,75 l
Blatina Marijanović	0,75 l
Syrah	0,75 l
Cabernet Sauvignon	0,75 l
33 barrique	0,75 l
Grand Selection	0,75 l



Godišnji kapacitet:

50.000
litara

Kušaonica:

80
osoba

Pakiranje:

0,75 L

Površina vinograda:

3 hektara +
kooperacija

O VINARIJI

Priča vinarije Marijanović, priča je o obitelji, tradiciji i ljubavi prema vinu. Smješteni smo u mirnom hercegovačkom selu Služanj, nedaleko od Čitluka i Međugorja, u kojem već 4 generacije negujemo dvije autohtone bosansko-hercegovačke sorte (žilavku i blatinu), a u novije vrijeme i dvije francuske sorte (syrah i cabernet sauvignon). Naši vinogradi se prostiru na blagim padinama mostarskog vinogorja, južne su ekspozicije, što omogućava maksimalnu osunčanost. U središtu vinograda nalazi se novoizgrađena vinarija. To je vrlo važna

stavka u proizvodnji vina, jer ubrano grožđe u vrlo kratkom vremenu dopijeva u podrum na preradu.

Podrum je opremljen suvremenom tehnologijom za kontroliranu fermentaciju, te za hladnu stabilizaciju bijelih i crnih vina. U inox bačvama nastaju mlada, svježija vina bogate arome, a zrelija, tijelom jača vina odležavaju u 'barrique' bačvicama od bosanskog i francuskog hrasta.



Vinogradi Nuić d.o.o.

Godina osnivanja: 2004.
 Grad: Ljubuški
 Kontakt podaci kompanije (osoba): Ivica Glamuzina
 Telefon: +387 39 849 515
 Adresa: Crnopod bb., 88320 Ljubuški
 E-mail: prodaja@vinogradinuic.ba
 Web: vinogradinuic.com

Proizvodi



Žilavka - kvalitetno suho bijelo vino	0,75 l
Blatina - kvalitetno suho crno vino	0,75 l
Alter Ego - kvalitetno suho crno vino	0,75 l
Merlot - kvalitetno suho crno vino	0,75 l
Žilavka - vrhunsko suho bijelo vino	0,75 l
Pošip - vrhunsko suho bijelo vino	0,75 l
Žilavka Selekcija - vrhunsko suho bijelo vino	0,75 l
Chardonnay - vrhunsko suho bijelo vino	0,75 l
Rose "Let`s GO" - vrhunsko polusuho ružičasto vino	0,75 l
Blatina - vrhunsko suho crno vino	0,75 l
Cabernet Sauvignon - vrhunsko suho crno vino	0,75 l
Merlot - vrhunsko suho crno vino	0,75 l
Blatina Barrique - vrhunsko suho crno vino	0,75 l
Trnjak - vrhunsko suho crno vino	0,75 l
Syrah - vrhunsko suho crno vino	0,75 l
Merlot - vrhunsko suho crno vino - barrique	0,75 l



O VINARIJI

Historija Vinograda Nuić započinje 2004. godine kada je kultiviran iznimno lijep položaj Orlovac. Uz autohtone hercegovačke sorte Žilavku i Blatinu, tu su još posađene Bena i Krkošija, te Trnjak, Cabernet Sauvignon, Alicante Bouschet i Plavac Mali. 2009. i 2010. godine u Dugolazama je posađeno 28 ha, a uz postojeće sorte prvi put su tu zasađeni Cabernet Franc, Merlot, Syrah, Touriga Nacional, te od bijelih sorti korčulanski Pošip.

Države u koje vinarija izvozi:

Hrvatska, Njemačka, Francuska,
Švicarska, Češka, Crna Gora,
Srbija, Kina, Australija

Godišnji kapacitet:

300.000 litara

Pakiranje:

0,75 L

Površina vinograda:

35 hektara (dodatnih 20 ha je posađeno)





MONAKO 2000 d.o.o.

Podrumi Ostojić

Godina osnivanja: **2002.**
 Grad: **Čitluk**
 Kontakt podaci kompanije (osoba): **Vlado Ostojić**
 Telefon: **+387 63 893 298, +387 36 642 161**
 Adresa: **Potpolje bb., 88260 Čitluk**
 E-mail: **vino@podrumostojic.ba**
 Web: **www.podrumostojic.ba**

Proizvodi

Vina



Žilavka Vitača Ostojić	0,75 l
Blatina Stjepan Ostojić	0,75 l
Vranac Radivoj Ostojić	0,75 l
Merlot Kujava Ostojić	0,75 l
Cuvee Stjepan Ostoja	0,75 l

Rakije



Loza	Travarica extra
Loza extra	Jabukovača
Travarica	Viljamovka

Voćne rakije



Gorki orahovac
Zlatna kajsija
Zlatna dunja

Voćni likeri



Višnja
Slatki orahovac
Slatka dunja



O VINARIJI

Prenoseći i usavršavajući znanje o grožđu i vinu s koljena na koljeno obitelj Ostojić je došla do zavidnog znanja i kvalitete u izradi vina, tako da danas iz Podruma Ostojić izlaze kvalitetne i poznate vrste vina u Bosna i Hercegovini, a i šire.

Iz proizvodnog programa izlaze vrhunska vina Žilavka, Blatina, Vranac i Merlot; Barrique vina; rakije Loza, Travarica, Extra loza, Zlatna dunja, Zlatna kajsija, Gorki orahovac, Medovača i Viljamovka te likeri Višnja, Slatki orahovac i Slatka dunja.

Države u koje vinarija izvozi:

Hrvatska,
Slovenija

Godišnji kapacitet:

250.000 litara

Kušaonica:

50 osoba

Pakiranje:

0,75 L

Površina vinograda:

18.178 m²





Podrumi manastira Tvrdoš d.o.o.

Godina osnivanja: **2006.**
 Grad: **Trebinje**
 Kontakt podaci kompanije (osoba): **Tihomir Kuduz**
 Telefon: **+387 65 987 357**
 Adresa: **Tvrdoš bb., 89101 Trebinje**
 E-mail: **tpodrumi@teol.net**
 Web: **www.tvrdos.com**

Proizvodi

Vina



Žilavka	0,75 l
Tvrdoš (Vranac)	0,75 l
Oros	0,75 l
Ruž	0,75 l
Metoh	0,75 l
Izba	0,75 l
Hum	0,75 l
Grande Reserve	0,75 l
Cabernet Sauvignon	0,75 l
Merlot	0,75 l

Rakije



Lozovača
 Travarica



O VINARIJI

Podrumi manastira Tvrdoš sačinjeni su od tri vinska podruma, a u najstarijem, još u 16. vijeku lučno ukopanom u stijenu ispod samog manastira, u velikim hrastovim bačvama odležava najbolji vranac – u narodu čuven kao “Tvrdoško crno”. Samo desetak metara dalje, na samoj obali Trebišnjice je 2006. podignut novi podrum opremljen najsavremenijom opremom za

preradu grožđa i proizvodnju vina. A 2012. godine sazidan je i poseban podrum za odležavanje vina u malim buradima od različitih vrsta hrasta. Sva vina potiču iz vinograda smještenih u Popovom i Trebinjskom polju, gdje se na površini većoj od 100 hektara uzgajaju domaće sorte grožđa Žilavka i Vranac, uz internacionalne sorte: Chardonnay, Merlot i Cabernet Sauvignon.

Države u koje vinarija izvozi:

Njemačka, Češka,
Švicarska, Holandija,
Poljska, Srbija, Crna
Gora, Kina, SAD, Brazil,
Australija, Japan

Pakiranje:

0,75 L

Godišnji kapacitet:

300.000 flaša

Površina vinograda:

160 hektara





Podrumi Vukoje 1982 d.o.o.

Godina osnivanja: **1982.**
 Grad: **Trebinje**
 Kontakt podaci kompanije (osoba): **Radovan Vukoje**
 Telefon: **+387 65 527 433**
 Adresa: **Mirna 28, 89101 Trebinje**
 E-mail: **podrumvukoje@gmail.com**
 Web: **www.podrumivukoje1982.com**

Proizvodi

Vina



Hercegovački Vranac	Zlatna selekcija white
Hercegovačka Žilavka	Zlatna selekcija red
Tribunia Chardonnay & Malvasia	Carsko vino
Tribunia Cabernet & Merlot	Mediterranski Vranac
Rezerva Vranac	Burgundac bijeli premium
Syrah 30	Burgundac crni premium
Galerija Tamjanika	Grozda Vranac
Galerija Merlot	Grozda Žilavka
Primavera red cuvee	Grozda Muskat
Primavera white cuvee	Grozda Syrah
Primavera rose	Grozda Merlot

Rakije i
drugi



Travarica

Gin



O VINARIJI

“Podrumi Vukoje 1982” više od 30 godina se bave ograničenom proizvodnjom vrhunskih vina i alkoholnih pića. Vinarija se oslanja na moderne tehnologije, kontrolisane procese fermentacije i tradicionalne metode odležavanja vina u hrastovim “barrique” bačvama u podrumima 8 metara ispod zemlje. Proizvodnja je isključivo usmjerena na kvalitet što pokazuju i mnogobrojna priznanja iz zemlje i inostranstva. Dobitnici su preko 100 zlatnih medalja na svim sajmovima regiona (Beograd, Zagreb, Novi Sad, Split, Vršac) kao i na poznatim smotrama u Milanu, Briselu, Parizu, Ženevi, Pragu, Bergamu i Beču za kvalitet svojih vina.



“Podrumi Vukoje 1982” posjeduju sopstvene vinograde na dva lokaliteta ukupne površine 30 ha na kojima su zasađene autohtone i internacionalne sorte vinove loze. Carski vinogradi nalaze se na lokalitetu Ušće, 10 km od Trebinja, na ušću rijeka Trebišnjice i Sušice. Te vinograde je krajem XIX vijeka Austrougarska monarhija proglasila najpogodnijim za žilavku, pa je tu podigla čuvene Carske vinograde, sa kojih je ekskluzivno vino otpremano na bečki dvor. Vinogradi u Zasad polju podignuti su uz korito rijeke Trebišnjice koje se nalazi na ulazu u Trebinje. Tu su zasađene sorte: vranac, žilavka, cabernet sauvignon, chardonnay, pinot noir, syrah, muskat, merlot.

Države u koje vinarija izvozi:

Srbija, Crna Gora, Kina, SAD

Godišnji kapacitet:

200.000 flaša

Kušaonica:

300 osoba

Pakiranje:

0,75 L

Površina vinograda:

30 hektara





VINA ZADRO

Vina Zadro d.o.o.

Godina osnivanja: **1996.**
 Grad: **Domanovići**
 Kontakt podaci kompanije (osoba): **Ivan Pažin**
 Telefon: **+387 36 822 301**
 Adresa: **Domanovići bb, 88305**
 E-mail: **info@vinazadro.com**
 Web: **www.vinazadro.com**

Proizvodi



Linija kvalitetnih litarskih vina

Dubravka

Doman

Linija kvalitetnih vina

Žilavka

Vranac

Blatina

Cabernet Sauvignon

Linija vrhunskih vina

Žilavka

Cabernet Sauvignon

Blatina

CZ Selekcija linija

CZ Žilavka

CZ Cabernet Sauvignon

CZ Chardonnay

CZ Merlot

CZ Rose

CZ Vranac

CZ Blatina

CZ Rondo

Pjenušac Domano



O VINARIJI

Kompanija Vina Zadro je osnovana 1996. godine kad je kupljena mala vinarija u Domanovićima od strane Hepoka, nekadašnjeg poljoprivrednog giganta Jugoslavije. Vinarija je bila porušena zbog ratnih događanja 90-tih, te većina njezine opreme je bila uništena ili ukradena. Pod novim vlasništvom, vinarija je obnovljena i nabavljena je nova moderna oprema kako bi se započela proizvodnja vina. Prvo priznanje i nagrada za svoj rad, vinarija je osvojila na Zagrebačkom vinskom sajmu Vinovita 1999. godine kada je dobila srebrnu medalju za vino Žilavka. Ta nagrada je došla kao potvrda da je vinarija na dobrom putu ka uspjehu.

Države u koje vinarija izvozi:

Hrvatska, Srbija,
Crna Gora, Slovenija,
Mađarska, Austrija,
Njemačka

Godišnji kapacitet:

1,5 miliona litara

Kušaonica:

150 osoba

Površina vinograda:

40 hektara

Godine 2007. vinarija ulazi u strateško partnerstvo sa tvrtkom MCI d.o.o. iz Širokog Brijega, čime ojačava svoju prisutnost na tržištu Bosne i Hercegovine. U narednim godinama, proizvodni pogon i podrum su prošireni i renovirani, a izgrađena je i nova kušaonica s restoranom za turističke svrhe. Godine 2014. vinarija je postigla značajan uspjeh na najprestižnijem natjecanju Decanter World Wine Awards, kada je dobila srebro za vino Žilavka CZ. Godine 2017. na DWWA, naša kompanija je postigla najveći uspjeh u historiji Bosne i Hercegovine, kada je dobila dvije platinaste medalje za Žilavku CZ i Blatinu CZ, čime su ta dva vina postala najboljim vinima u regiji istočne i središnje Europe.





FOREIGN TRADE CHAMBER OF
BOSNIA AND HERZEGOVINA
ISTANBUL OFFICE



Vinska Industrija

